

4
PVBICA VRBIS NEAP.
GRATVLATIO

(6

IN ELECTIONE ILLVSTR^{MI}. ET REV. D. D.
DECII CARD.^{LIS} CARAFAE
AD ECCLESIAM NEAPOLIT.

CONSCRIPTA A LAVRETO DE
*Franchis V. I. D. eiusdem Eccle-
siae Hebdomadario.*



NEAPOLI,
Ex Typographia Io. Dominici Roncalioli. 1613.
SUPERIORVM PERMISSV.



VI primùm, Præsul Amplissi-
me, de tua ad Archiepiscopa-
lem Ecclesiam Neapolitanam
electione certus perlatus est nun-
tius, quemadmodum ista tuis
in omni genere præclarissimis virtutibus iam
pridem debita, nunc verò diuinitus delata
dignitas ingenti lætitiâ uniuersos extulit; ita
quoque ad eam variè significandam, atque
diuersis argumentis expromendam, omnium;
& singulorum animos erexit, & vehemen-
ter admodum inflammavit: Et quemadmo-
dum antea extincto pastore lugebat populus, &
tota squalebat Ciuitas, sic te creato, cessauit
luctus, abiit tristitia, recessit fletus oculorum,
successitque sonus, & induta est iucunditate
Ciuitas; ea etenim cùm eleuasset ad Domi-
num manus suas, & effudisset coram eo ora-
tionem, & clamorem, præcesque libenter au-
diuit: quamobrem si post hominum memoriam
non solum gaudendi, sed magnopere omni ex
parte exultandi, equa est omnium hominum
generi allata occasio, hoc profectò tempore ex
tua electione tributa est maxima: fuit enim

A 2 illa

*illa Neapolitanæ Ecclesiæ singulare decus,
& ornamentum, Clero, uniuerſæque Diœceſi
ineffabilis conſolatio, Proceribus in enarra-
bilis hilaritas, cæteris verò omnibus mira iucū-
ditas. Vela igitur gratulationis explicemus,
& geſtiētibus animis fræna laxemus. At unde
initium ſumam? audio voces, clamoribus au-
res reſonant; perſpicio ſingulos ſummo elatos
gaudio, ut à ſe ordiar, auidiffimè cupere: ex
quo non leuis oritur difficultas, quis Principem
locum obtineat; quam quidem penitus tollit
ſponſa tua dilectiſſima, ac ſpecioſiſſima Eccle-
ſia, quæ tamquam amatiſſima parens filiis
Iure anteponenda eſt. Exultat igitur ea ſpon-
ſum nacta, omnibus numeris abſolutum, magni
Conſilij, plenum officiij, plenum pietatis, ex cuius
mente omnia honeſta, omnia ſalutaria, nihil
quod glorioſum non ſit, proficiſcatur; cuius co-
gitationes, nihil præter Chriſti laudem quæ-
rant, & gloriâ. Effunditur in letitiâ, quod
ubique teſtatus ſis, quàm tibi cordi eſt Eccle-
ſiaſtica libertas, quàm ſtrenuè, quàm acriter
pro ea dimices, quàm vitæ tuæ contemptor ſis,
ſanguiniſque profuſus, ne quid de ea deper-
datur,*

datur; quàm denique insurgentes in eam hostes fortiter deprimas, atque contundas. Aduenit sponsæ tuæ sc̃elix, exoptatusque dies, ille inquam expectatissimus, eique, à quo genitus est simillimus dies, cuius videndi incredibili tenebatur desiderio; nouit se ipsam, nouit te, nouit maiores tuos; ea enim neq; rugam unquam, neq; maculam passa, sancta est, formosa est, similem optabat sibi sponsum; similem maioribus tuis; meminerat virtutum maiorum tuorum, meminerat beneficiorum; spectabat in te veterum imaginem, amabat filium, optabat sponsum, optabat patrem; voti compotem iam factam, quanta putamus exultasse letitia? quantijs gaudijs gestijse? Capitulum verò tuum cum vniuerso Clero, quanta affectum iucunditate autumamus? enim verò tanta, ut enarrare difficile admodum videatur; miratur tuarum diuinarum virtutum præstantiam, miratur animi magnitudinem, gaudetque se ab huiusmodi Pastore, huiusmodi Principe gubernandum. Quid ni faciat? Probe scit vitæ tuæ integritatem, probe doctrinam, perspecta iam habet quanta pro Christiana

stiana Republica, pro Sede Apostolica sis per-
peffus, quot grauissima munera magna cum
laude obieris, labores fortiter exaniblaueris,
discrimina viriliter adieris, perspectam habet
inuietam patientiam, ingentem constantiam,
indefessam sollicitudinem; nouit itinerum,
tuorum longitudinem, asperitatem, nouit in-
comoda; peragasti enim partem uniuersi Or-
bis maximam, pedibus ne tantum? laudibus po-
tius. Omisisti ne unquam, quod Ecclesie,
quod tibi futurum fuisset gloriosum? an tar-
dauit metus? tardarunt pericula? Nihil
profectò: itaque sic te in laboribus gessisti, ut ad-
mirabile laborum initium, gloriosior exitus se-
queretur: quamobrem posteritati speculum fa-
ctuses, et scopus, quod spectent, quem imiten-
tur, si cum laude, si cum gloria viuere, praecla-
reque agere cupiunt; licet collimare ad tantum
scopum difficile sit. Tu per omnes Ecclesiasti-
cos gradus gradum faciens, ita omnes illustra-
sti, tantum omnibus addidisti splendoris, et
ornamenti, ut debitam multò ante tibi, qua
nites, purpuram clamarent uniuersi, patrem
patrie, antequam fieres, quod paucis conti-
git,

git, appellarent, & præter te, nemini magis
Ecclesiasticum Patriæ Principatū, & Archie-
piscopale munus quadrare, atque conuenire
predicarent. Commemorat celeberrimam
memoriam, clarissimam seriem, illustriaque
Archiepiscoporum Illustrissimæ familiæ tuæ
stemma; inter quos veluti fulgentissimum
sydus occurrit primò Oliuerij mira munificen-
tia in sacris ædibus construendis, eximia do-
ctrina, honoris, & fortune incrementa, quæ
illi supra votum in extirpandis præcipuè Chri-
stiani nominis hostibus, alijs in rectam viam,
religionemq; reuocandis felicissimè contigerunt.
Pauca hæc te Oliueri? ita equidem, nam uni-
uersa quis valeat? imò celebrant uniuersi; quot
enim Diui Ianuarij sacras Reliquias or-
natissimo in sarcophago, sacelloq; Neapoli ve-
nerantur, quotquot præsentis sanctissimi Præ-
sulis, præcipuique patroni auxilio releuantur,
tot Oliuerij memoriam recolunt, qui sacratissi-
mum Corpus huc transferendum curauit, Vr-
bemque prætiosissimo hoc Thesauro dicauit.
Laudat Alexandri magnitudinem animi, men-
tis sublimitatem, pietatis ardorem. Recenset
Vincen-

*Vincentij puritatē, atq; ab omni labe abhorren-
tē animum. Commendat Francisci benignita-
tem, beneficentiā. Contemplatur Alphonfi ado-
lescentis inculpatam vitam, summam secundis
in rebus temperantiam, admirandam in ad-
uersis patientiam, Celebrat Marij patriui tui
insignem circa gregem vigilantiam, paternam
in pauperes, piaque loca dilectionem, & mise-
ricordiam, ardens in Ecclesiastica reparanda
disciplina studium. Quid coner multa de te
Mari? satis amplum adest testimonium, (ut
omittam cetera) Seminarium à te magnis sum-
ptibus erectum, redditibus auctum, & in omni
liberalium artiū ac studiorum genere florentes,
largis stipēdijs undiq; inuitati, accersitiq; viri,
qui egregiæ indolis, magnæq; spei adolescētes ibi
adscriptos, ad spirituale pgressum, omniūq; vir-
tutum perfectionem, piē, sanctēque dirigerent:
Ex quo velut ex equo Trojano tot præstantes,
strenuique ad curam animarum prodire ope-
rarij, tot populorum Doctores, tot Hebdoma-
darij, tot doctrina, prudentiaque excellentes
Canonici, tot, tantique Præsules, qui & si ve-
luti lucentissima sidera extiterunt, tu tamen
quasi*

15
quasi unus Sol, in omnes locos, & mē, splen-
doremque mirabilius diffundisti. Quid plura
de patruo tuo? dies potius me dicentem desi-
ceret, quā tanti viri laudes absoluerim.
Unum illud emittendum non videtur, quod
diuino penē afflatus numine; & fortasse
fretus singulari indole tua, futurum te Car-
dinalē, suasque vices subiturum, coniec-
tuerat: quorum, cum utrumque exitu (fauciente
Deo) comprobatū iam sit, quantum nos gau-
demus in terris, tantum illi in Caelis gau-
dere credibile est. At ubi prætereunte lo: Pe-
tre, Neapolitanorum Carasca ex familia
Antistes Quinte, Romanorum verō Pontifex
Paule Quarte? Aberis ne ab hoc Alto?
non equidem; imō tantorum virorum tua
commemoratione Album fiet Illustrius. Or-
dinem siquidem de industria prætergressi su-
mus; æquum quippe videbatur, ut nūmero
tantorum Præsulum, tanquam lucentiss. mo
alicui gemmarum serito, ipse, veluti splendi-
dissimum aliquod adamas intexeris; & alijs
numeratis postremus additus, tanquam em-

B

nes

nes longo interuallo supergressus, clarius appa-
reres. Quid magis in te mirer diuine
Paule? quid potissimum celebrem? vereor,
nè si laudes tuas exordiar, labyrinthum ali-
quem ingrediar, cuius facilis sit ingressus,
exitus difficillimus. Laudem ne prudentiam
tuam? diuina fuit: supra omnem laudem fuit,
cuiusuis, vel eximij, vel exercitati excludit co-
piam oratoris. Laudem nè sanctimoniam?
admirabilis fuit; Cuiusuis acies hallucina-
tur. Quid ergo? Proferam testes. Grauis-
simus est Theatinorum familia, cuius auctor
exististi, & institutor; in qua diuinis doctri-
nis, optimis exemplis, assiduis vigilijs, infla-
mato diuini cultus desiderio, studioque anima-
rum salus impensè procuratur; & præclara
ad eternam felicitatem comparandam præ-
bentur auxilia. Testis est restituta vetus di-
sciplina, longè, latèque, te Pontifice, cum uni-
uersi orbis utilitate propagata. Testis est va-
lidissimum Romæ contra hæreticam prauita-
tem erectum propugnaculum, ac Tribunal.
Quamobrem iure audiuiſti, Armiger inte-
mera.

merata fidei, cuius sagitta numquam abiit
retrorsum. Testis est (ut paucis absolvam)
ipse orbis, de quo optime meruisti. Quid plu-
ra? Angelico potius laudandus es ore,
qui dum in terris vixisti, vitam vixisti Ange-
licam. Generatio, & generatio laudabit ope-
ra tua, & potentiam tuam pronuncia-
bunt: magnificentiam gloriæ sanctitatis tuæ
loquentur, & mirabilia tua narrabunt:
memoriam abundantie suavitatis tuæ eru-
dabunt, & iustitia tua exultabunt. Nu-
merat propterea familie tuæ alios Episco-
pos, Archiepiscopos, plures S. R. E. Cardi-
nales, qui ingressi sunt sine macula, ope-
rati sunt iustitiam, opus, & ministerium
impleverunt; quorum vita, moresque om-
nibus disciplina, & instituta fuerunt;
quorum mors præciosa in conspectu Domi-
ni; quorum merita insignia scriptorum,
& historicorum monumenta immortalita-
ti commendarunt. Silentur constructiones,
ac templorum instaurationes; pie pluribus in
locis erecta domus; edificata religionum

virorum, virginumque Canobia; aliaque
omnium gentium, omnium seculorum me-
moriam celebranda tuorum gesta. Le-
tantur proceres; Letantur sedilia,
quod ex ipsis ortum habeas, ex domo insi-
gni, & (ut verius loquar) regnatrice: ex
ea inquam, quæ per omne ævum, om-
nes titulos assecuta, recenset Comites; nu-
merat Marchiones; enumerat Duces; enu-
merat Principes; & (quod maximum de-
cus, & ornamentum est) Principes, li-
bera imperia possidentes. Omitto plerosque
celeberrimos, domi, militiæque rerum glo-
ria florescentes viros; quorum fide, industria, Re-
ges; Imperatores; Romani Pontifices gravis-
simis in muneribus, superioribus temporibus usi
sunt, ad præsens utuntur. Ex quo factum est, ut
ij, dum vixerunt, insignibus ornamenti, specio-
sisque honorum titulis ab illis decorati, sumos et ho-
norum gradus, optimam hereditatem, amplissimum pa-
trimonium posteritati legarint. Reliqui supsti-
tes præcipua seculi ornamenta sunt; quorum spectantes
ipsi proceres longam seriem, intuentes præclara facinora,

ita

ita tui desiderio incenduntur, ita ad amorem
tui impelluntur, ut ab eis non nisi mutuam
beneuolentiam, summum obsequium, & ma-
ximā venerationem iure optimo sperare possis,
ac debeas. Gaudent causidici, & forenses
omnes, quod in decidendis causis integer sis,
& circumspexitus, in docendo explicitus, in
objurgando benignus, ad penam tardus, ad
præmia velox: Nimirum tanta tibi est in
moribus suauitas, in sermone hilaritas,
in actione dignitas, in vultu maiestas, in
verbis fides; tanta prudentia es præditus,
tanta præfulges iustitia, ut neminem à
te, (quæ veræ partes Principis sunt)
mæstum discessisse unquam constet. Gau-
dent eruditi viri, quique delectabile viuen-
di institutum amplexi, ingenuis artibus, li-
beralibusque studijs delectantur, quod se
continenter alas, tuearis, incredibili qua-
dam caritate complectaris, ac diligas: Ut
demum à tanta letitia, & gratulatione
nemo sit immunis, Euangelizantur orpha-
ni, viduæ, pauperesque letantur, quod
patrem à Deo Opt. Max. impetrauercint,

B 3 qui

qui affatim, copiosèque orationis, doctrinæque;
pabulum animabus subministret; panem
spiritualem fame laborantibus abundè sup-
peditet; & aqua sapientie salutaris, ve-
lut uberrimis imbris, famem pellat; pa-
trem inquam, pium, liberalem, beneficum,
atque ita ad benè de omnibus merendum
natura propensum, ut unicum miseris pu-
fugium iure voces. Audin voces populo-
rum, laudantium Dominum? Audin lau-
dantium Romanorum Pontificem? à quo
tanto ditati sunt bono; qui provinciam
hanc cum demandare plerisque posset aptis-
simè, te potissimum ex ea familia delegit,
quæ Seminarium exstitit Neapolitanorum
Archiepiscoporum; tanquam unum, cui
uni onus hoc, vel ipsis Angelicis humeris
formidandum, conueniret; tanquam eum,
quem Ciuitas optabat uniuersa. Debe-
batur hoc, Paule Quinte, Prudentiæ tuæ, pe-
nè diuinæ; pulcherrimo enim veluti ædifi-
cio gestorum tuorum, apicem, & supre-
mam quandam manum, purpura DECIO
tributa, Neapolitanus grex commissus im-
posuit:

posuit: quamobrem tibi magna, ex parte letitiam hanc acceptam referimus; dum enim optimum nobis destinas pastorem, Nos abste unice diligere, maximaque in existimatione apud te esse Neapolitanam Ecclesiam, gregemque declaras. Equidem diuinitus factum puto, ut quemadmodum paucis ab hinc annis, addito octauo patrono, addita nobis letitia est; sic etiam, assumpto Carasia ex familia Octauo Archiepiscopo, maximae fierent letitiae accessiones. En vera acclamationes omnium, DECIVM appellantium, Patrem Patriae, Urbis splendorem, Praesulum Decus, Domicilium virtutis; Columbam in medio Cleri deargentatam, cum dorso eius deaurato, vestitam auro caritatis; Doctorem omnium circumdatum varietate virtutum; florem suauissimo odore fragrantem, exortum ex floridissimo Carasia viridario; Pontificem omnium Pontificiarum virtutum copia ornatum. Omnium in te defixus est vultus, spes omnis sita; paruuli letiste clamoribus conclamant patrem, qui frangat eis panem doctrinae, & pietatis;

tatis; pauperes subleuatorem; viduæ, pupillique patronum, exemplar humanitatis, atque clementiæ; senes baculum; oppressi consolatorem, normamque Angelicæ vitæ; fautores iuuenes, vitæque præsidium; literati viri mæcenatem, qui neminem sibi non summis beneficijs alliciat atque deuinciat. Quotus quisque est, qui, te Præside, felicitiora tempora, auream, (ut ita dicam) ætatem reddituram non speret? quem vocem tuam non maximè audire delectet? qui Aduentum tuum quàm citissimè omnibus votis non exoptet? Venis igitur cunctis gentibus desideratus, maxime expetitus. Reliquum est, ut immortalis Deo, rerum omnium auctori, dignitatumque largitori, gratias, quam maximas agamus, quod publicis, priuatisque præcibus annuerit; quod te nobis Pastorem dederit; pastorem, tanquam Aaron vocatum, pervigilem, sedulum, rebus diuinis perpetuò inhiantem, pudicum, honestate decoratum, charitate plenum; lucernam Cleri, in sublimi Ecclesiæ Candelabro accensam; & veluti speculum quoddam, in quo nexu, vinculo-

culoque pulcherrimo tuorum maiorum virtutes, ita obstrictæ, connexæq; nitent, ut una tantummodo virtus videatur. O Nos felices? quid enim felicius nobis? quibus iam aliud optandum magis non est, quam tuam in omnibus voluntatem sequi, & exempla sectari. Felix ergo, faustæque vivas, ut nos Deum enixè obtestamur, quod tibi vitæ diurnitatem, firmam tribuat valetudinem; eaque conferat actionum adiumenta, quibus Populis, tuæ curæ concreditæ, diutissimè, felicissimèque prodesse possis, & valeas. Quod erit finis gratulationis huius publicæ, à me descriptæ, quæ, sicut in omnium vultu, in omnium ore, iam Neapoli visa est; sic eam ipsa dies adventus tui, quo singulari, & incredibili amoris, & observantiæ significatione civis, & pater excipieris, satis, superq; declarabit. Eam igitur hilari, ac alacri animo accipias, rogo: credasque me humilimum servulum tuum, observantiam, reverentiamque potius, quàm facundiam, ostentare maluisse. Absit enim, ut hoc mihi initio
propo-

proposuerim : noui me ipsum ; noui rudem ,
& incompertum stylum : scio quanta in huius-
modi rebus describendis elegantia , quanta
copia requiratur . Tu usest , qui scribit , man-
cipio ; & nexu ; quæ scribit , tua sunt ; tua ,
quæ dat , simplicia (ut decet Ecclesiasticum)
non fucata verba . Benignè igitur tua suscipe ;
rarò enim euenit , ut cultori , et insitori ar-
boris suæ , quam ipsemet conseruit , poma di-
spliceant .

IMPRIMATUR.

Petrus Antonius Ghibertus Vic. Cap. Neap.

Rutilius Gallaccinus Canonic. Deputat.
vidit, regist. fol. xxxiiij.

VA 1

1528758

